

**FAAFINTA
OFFICIAL
الرسمية**



**RASMIGA AH
BULLETIN
الجريدة**

EE JAMHUURIYADDA SOOMAALIYA

Sanadka 1aad Bilaha Agoosto - Oktoobar Sannadka 2011

Laanta Maamulka Faafinta Rasmiga ah
Ee Xafiiska Garyaqanka Guud ee Dawladda

FAAFIN BIL SOO BAXA

Qiiimadu: Waa \$ 6 Doollar lambar waliba – **RUKUNKA**: Sanaddii waa \$50 Doollar Soomaaliya gudaheeda – dibaddeedana waa \$ 100 Doollar. Rukunka la weydiisto waqtiga loo geoyay wuxuu ka biaabmaa 1 Janaayo. Qiiimaha Qoritaanku F.R halkiil sadar iyo waxii ka yar waa \$ 0.20 doollar – Rukunka iyo qoriaanku waxaa la waydiistaa Laanta Maamulka Faafinta Rasmiga ah – Lacagta waxaa lagu bixinayaa Xafiiska Canshuuraha ee Wasaaradda Maaliyadda

**FAAFINTA RASMIGA AH
EE
JAMHUURIYADDA SOOMAALIYA
BILAH
Agoosto - Oktoobar**

2011

FAAFINTA
OFFICIAL
الرسمية



RASMIGA AH
BULLETIN
الجريدة

EE JAMHUURIYADDA SOOMAALIYA

Sanadka 1aad

Muqdisho

August 2011

L. 6

8

Laanta Maamulka Faafinta Rasmiga ah
ee ka tirsan Xafiiska Garyaqanka Guud ee Dawladda

FAAFIN BIL SOO BAXA

imadu: Waa \$ 2 Doollar lambar waliba – **RUKUNKA:** Sanaddii waa \$ 20 Doollar Soomaaliya gudaheeda – dibaddeedana waa \$ 50 Doollar. Rukunka waydiisto waqtiga loo gooyay wuxuu ka biaabmaa 1 Janaayo. Qiimaha qitaanku F.R halkii sadar iyo waxii ka yar waa \$ 0.20 doollar – Rukunka qoriaanku waxaa la waydiistaa Laanta Maamulka Faafinta Rasmiga ah – tagta waxaa lagu bixinayaa Xafiiska Canshuuraha ee Wasaaradda Soomaaliyadda

KOBNIIN

BOGGA KOOWAAD

SHARCI

W. M

BOGGA LABAAD

X E E R

**R WASAARADDA GARSOORKA, AWQAAFTA IYO
QIMAHA DIINTA- Lr.87, - taariikh 16/04/2011**

Abuid Hawlaha Ganacsiga xilliga Salaadda Jimcaha Bog. 59

XEER MADAXWEYNAHA J. SOOMAALIYA- Lr.179, taariikh 13/08/2011- <i>Ku soo rogid Xaalad deg-deg ah</i> <i>goobo gaar ah</i>	Bog. 60
XEER MADAXWEYNAHA J. S.- Lr.194, taariikh 29/08/2011 <i>Magacaabid La Taliyaha Madaxweynaha Xagga</i> <i>diblomaasiyadda & Xirürka Caalamiga ah</i>	Bog. 61
XEER MADAXWEYNAHA J. S.- Lr.195, taariikh 29/08/2011 <i>Magacaabid La Taliyaha Madaxweynaha</i> <i>Xagga Arrimaha Carabta</i>	Bog. 62
XEER MADAXWEYNAHA J. S.- Lr.196, taariikh 29/08/2011 <i>Magacaabid La Taliyaha Madaxweynaha</i> <i>Xagga Sharciga & Dastuurka</i>	Bog. 63

BOGGA SEDEXAAD

TALOOYIN, ISGAARSIIN, OGEYSIIS IYO WAXII LA MID AH

W. M

**XEER WASAARADDA GARSOORKA, AWQAAFTA IYO
ARRIMAHADIIINTA- Lr.87,
taariikh 16/04/2011
Mamnuucid Hawlaha Ganacsiga xilliga Salaadda Jimcaha**

Wasiirka Wasaaradda Garsoorka, awqaafta iyo Arr. Diinta

- Markuu arkay:** Aayadda 9aad iyo 10aad ee Suuradda Al-Jumcata ee
(بِإِيمَانِ الْمُؤْمِنِينَ إِذَا نَوَّدُ لِلصَّلَاةِ مِنْ
يَوْمِ الْجُمُعَةِ فَاسْأَلُوا إِلَىٰ نَكْرِ اللَّهِ وَنَرُوا الْبَيْعَ نَلَكْمُ خَيْرَكُمْ إِنْ كَفَتْمُ
تَطْمِئْنُونَ)
- Markuu arkay:** Qodobka 8aad, Faqraddiisa 1aad iyo tan 2aad ee
Axdiga Ku meel gaarka ah Dawladda FKMG ee Soomaaliya.
- Markuu arkay:** Go'aanka Golaha Wasiirada ee soo baxay
taariikhdu markay ahayd 09/03/2009 kaasoo ku
saabsanaa in dalka Jamhuuriyadda Soomaaliya lagu
dhaqo Shareecada Islaamka.
- Markuu arkay:** Go'aanka Golaha Baarlamaanka DFKMG
Soomaaliya Lr. XGB/1425/09 Taariikh 18/04/09 ee
ku saabsanaa ku Dhaqanka Shareecada Islaamka.
- Markuu arkay:** Go'aanka Madaxweynaha Jamhuuriyadda
Soomaaliya Lr. XM/M75/2009 taariikh 13 May 2009
ee ku saabsanaa ku Dhaqanka Shareecada Islaamka.
- Markuu garwaaqsaday:** Baahida Ummadda Soomaaliyeed ay u qabto in
dalka lagu maamulo Shareecada Islaamka.

Wuxuu soo saaray Xeerkaan

Qodobka 1aad

Laga billaabo maalinta Jimcada ah, taariikhdu ku beegan tahay 22/04/2011
waxaa la mamnuucay Hawlaha Ganacsiga nooc kastoo ay yihiin xilliga
Salaadda Jimcada suuqyada iyo Goobaha kale ee ganacsi dhammaan
gobollada dalka Soomaaliya saacaddu markii ay gaarto 11:45 – 7:15
duhurnimo.

Qodobka 2aad

Qof kasta oo ku nool Jamhuuriyadda Soomaaliya waxaa la farayaa in uu u
hoggaansamo wareegtadan, ciddii u hoggaansami wayda waxay
mutaysanaysaa xarig bil ah ama ganaax dhan Sh.So 1000,000 (Hal Milyan).

Qodobka 3aad

Fulinta Wareegtadan waxaa u xil saaran Maamulka Gobollada iyo Degmooyinka dalka.

**Wasiirka Wasaaradda Garsoorka, Awqaafta & Arr. Diinta
*Xildh. Cabdullaahi Abyan Nuur***

**XEER MADAXWEYNAHA J. SOOMAALIYA- Lr.179,
taariikh 13/08/2011**

Ku soo rogid Xaalad deg-deg ah goobo gaar ah

MADAXWEYNAHA JAMHUURIYADDA SOOMAALIYA

Markuu arkay:- Qodobka 39aad faqradda laad Xarafka “b” ee Axdiiga KMG ah.

Markuu arkay: Qodobka 70aad ee Xeer-nidaamiyaha Nabab gelyada guud Lr. 16 ee soo baxay 16ka August 1963.

Markuu ogaaday: In Al-shabaab laga saaray magaalada Muqdisho, caasimadda Soomaaliya

Markuu garwaaqsaday: In ay jirto b aahi deg-deg ah oo loo qabo in la sugo nabab-gelyada Caasimadda iyo Xerooyinka ay ku jiraan dadka Abaaraha iyo Nabab gelyo xumada ay ku hayaan Al-shabaab.

Wuxuu soo saaray Xeerkaan

Qodobka 1aad

Waxaa maanta oo ay taariikhdu tahay 13/08/2011 lagu soo rogay xaalad deg-deg ah goobihii ay ka baxeen Al-shabaab.

Qodobka 2aad

Waxaa isla sidaasi oo kale lagu soo rogay Xaaladda deg-degga xerooyinka ay ku jiraan dhammaan barakacayaasha si loo sugo nabab gelyadooda.

Qodobka 3aad

Waxaa reeban in la geeyo ciidamo beeled goobihii laga xoreeyay Al-shabaab iyo xerooyinka ay ku jiraan barakacayaasha.

Qodobka 4aad

Wixii fal-dambiyeed ah ee ka dhaca goobaha iyo xerooyinka ku xusan qodobka laad iyo qodobka 2aad ee isla xeerkan, waxaa awood u leh in ay qaaddo Maxkamadda CQS.

Qodobka 5aad

Sida uu qabo Qodobka 3aad ee Xeer-nidaamiyaha Nabad gelyada Guud Lr. 21 ee soo baxay 16ka August 1963, waxay Dawladda qaadeysaa tallaabo kasta ee lagu sugayo Nabad gelyada iyo anshaxa guud ee goobihii laga xoreeyay Al-shabaab iyo xerooyinka Barakacayaasha.

Qodobka 6aad

Waxaa Maxkamadda CQS awood u leedahay in ay dhaqan-geliso Buugga Labaad ee Xeerka Ciqaabta CQS ee Waqtiga Dagaalka.

Qodobka 7aad

Xeerkan ma khuseeyo goobihii ay horay uga jirtay nabadda, hase yeeshii hadpii ay soo gaarto nabad darro inta lagu jiro muddada uu tilmaamayo isla xeerkaan, waxaa si toos ah uga dhaqan galaya xeerkan.

Qodobka 8aad

Waxa xeerkaan jirayaa ilaa saddex Bilood si looga gudbo marxaladda adag uu dalka ku jiro, waxuuna dhaqan galayaa laga billaabo maalinta uu ansaxiyo Madaxwaynaha J.S. waxaana lagu soo daabacayaa Faafinta Rasmiga ah ee Jamhuuriyadda Soomaaliya.

MUQDISHO 13/08/2011

Madaxweynaha J. Soomaaliya

Shariif Sheekh Axmed

XEER MADAXWEYNAHA J. S.- Lr.194, taariikh 29/08/2011
Magacaabid La Taliyaha Madaxweynaha Xagga diblomaasiyadda &
Xiriirkha Caalamiga ah

MADAXWEYNAHA JAMHUURIYADDA SOOMAALIYA

Markuu arkay:- Qodobka 39aad faqradda 2aad, Qodobka 44aad
Faqradda 1aad Xarafka "E" ee Axdiga FKMG

Markuu arkay:

Qodobka laad ee Xeerka Lr. 5 ee 2da Febraayo 1980, kuna saabsan Nidaamka Shaqaalaha Rayidka ah ee Dawladda.

Markuu tixgeliyay:

In ay jirto baahi loo qabo dhameystirka qaab dhismeedka madaxtooyada, ayna lagama maarmaan tahay in la helo La-taliye khibrad u leh Arrimaha Diplomaasiyadda (Diplomatic) si ay maslaxadi ugu jirto Ummadda Soomaaliyed.

Markuu arkay:

Aqoonta iyo waayo aragnimada mudanaha jagadan loo magacaabayo

Wuxuu soo saaray Xeerkaan

Qodobka 1aad

Waxaa Danjire Cabdisalaan Xaaji Axmed Liibaan loo magacaabay Jagada ah La-taliyaha Madaxweynaha Xagga Arrimaha Diplomaasiyadda & Xiriirkha Caalamiga.

Qodobka 2aad

Waxii xuquuq ah iyo Maamuus waxaa lagu dhaqayaa Xeer-Nidaamiyaha Shaqaalaha Rayidka ah ee Dawladda.

Qodobka 3aad

Xeerkana wuxuu dhaqan galayaa marka uu saxiixo Madaxweynaha J.S. Waxaana lagu soo saaraya Faafinta Rasmiga ah ee Jamhuuriyadda

MUQDISHO 29/08/2011

Madaxweynaha J. Soomaaliya

Shariif Sheekh Axmed

XEER MADAXWEYNAHA J. S.- Lr.195, taariikh 29/08/2011

Magacaabid La Taliyaha Madaxweynaha Xagga Arrimaha Carabta

MADAXWEYNAHA JAMHUURIYADDA SOOMAALIYA

Markuu arkay:-

Qodobka 39aad faqradda 2aad, Qodobka 44aad Faqradda 1aad Xarafka "E" ee Axdiga FKMG

Markuu arkay:

Qodobka 1aad ee Xeerka Lr. 5 ee 2da Febraayo 1980, kuna saabsan Nidaamka Shaqaalaha Rayidka ah ee Dawladda.

Markuu tixgeliyay: In ay jirto baahi loo qabo dhameystirka qaab dhismeedka madaxtooyada, ayna lagama maarmaan tahay in la helo La-taliye khibrad u leh Arrimaha Carabta si ay maslaxadi ugu jirto Ummadda Soomaaliyed.

Markuu arkay: Aqoonta iyo waayo aragnimada mudanaha jagadan loo magacaabay

Wuxuu soo saaray Xeerkaan

Qodobka 1aad

Waxaa Danjire Ciise Cali Max'ed loo magacaabay Jagada ah La-taliyaha Madaxweynaha Xagga Arrimaha Carabta.

Qodobka 2aad

Waxii xuquuq ah iyo Maamuus waxaa lagu dhaqayaa Xeer-Nidaamiyaha Shaqaalaha Rayidka ah ee Dawladda.

Qodobka 3aad

Xeerkana wuxuu dhaqan galayaa marka uu saxiixo Madaxweynaha J.S. Wuxaana lagu soo saarayaa Faafinta Rasmiga ah ee Jamhuuriyadda

MUQDISHO 29/08/2011

Madaxweynaha J. Soomaaliya

Shariif Sheekh Axmed

XEER MADAXWEYNAHA J. S.- Lr.196, taariikh 29/08/2011
Magacaabid La Taliyaha Madaxweynaha Xagga Sharciga & Dastuurka

MADAXWEYNAHA JAMHUURIYADDA SOOMAALIYA

Markuu arkay:- Qodobka 39aad faqradda 2aad, Qodobka 44aad Faqradda 1aad Xarafka "E" ee Axdira FKMG

Markuu arkay: Qodobka 1aad ee Xeerka Lr. 5 ee 2da Febraayo 1980, kuna saabsan Nidaamka Shaqaalaha Rayidka ah ee Dawladda.

Markuu tixgeliyay: In ay jirto baahi loo qabo dharneystirka qaab dhismeedka madaxtooyada, ayna lagama maarmaan tahay in la helo La-taliye khibrad u leh Arrimaha Sharciga & Dastuurka si ay maslaxadi ugu jirto Ummadda Soomaaliyeed.

Markuu arkay: Aqoonta iyo waayo aragnimada mudanaha jagadan loo magacaabayo

Wuxuu soo saaray Xeerkaan

Qodobka 1aad

Waxaa Prof. Abuukar Xasan Maxamed loo magacaabay Jagada ah La-taliyaha Madaxweynaha Xagga Sharciga & Dastuurka.

Qodobka 2aad

Waxii xuquuq ah iyo Maamuus waxaa lagu dhaqayaa Xeer-Nidaamiyaha Shaqaalahu Rayidka ah ee Dawladda.

Qodobka 3aad

Xeerkana wuxuu dhaqan galayaa marka uu saxiixo Madaxweynaha J.S. Wuxaan lagu soo saaraya Faafinta Rasmiga ah ee Jamhuuriyadda

MUQDISHO 29/08/2011

Madaxweynaha J. Soomaaliya

Shariif Sheekh Axmed

**FAAFINTA
OFFICIAL
الرسمية**



**RASMIGA AH
BULLETIN
الجريدة**

EE JAMHURIYADDA SOOMAALIYA

Sanadka 1aad

Muqdisho

September 2011

L. 9

Laanta Maamulka Faafinta Rasmiga ah
ee ka tirsan Xafiiska Garyaqaanka Guud ee Dawladda

FAAFIN BIL SOO BAXA

Qiimadu: Waa \$ 2 Doollar lambar waliba – **RUKUNKA:** Sanaddii waa \$ 20 Doollar Soomaaliya gudaheeda – dibaddeedana waa \$ 50 Doollar. Rukunka la weydiisto waqtiga loo gooyay wuxuu ka biaabmaa | Janaayo. Qiimaha Qoritaanku F.R halkii sadar iyo waxii ka yar waa \$ 0.20 doollar – Rukunka iyo qoriaanku waxaa la waydiistaa Laanta Maamulka Faafinta Rasmiga ah – Lacagta waxaa lagu bixinaya Xafiiska Canshuuraha ee Wasaaradda Maaliyadda

KOBNIIN

BOGGA KOOWAAD

SHARCI

W. M

BOGGA LABAAD

X E E R

XEER MADAXWEYNAHA J. S.- Lr.206, taariikh 11/09/2011

Magacaabid La Taliyaha Madaxweynaha

Xagga Dib-u-heshiisiinta & Fidinta Siyaasadda

Bog. 67

BOGGA SEDEXAAD

TALOOYIN, ISGAARSIIN, OGEYSIIS IYO WAXII LA MID AH

W. M

**XEER MADAXWEYNAHA J. S.- Lr.206, taariikh 11/09/2011
Magacaabid La Tallyaha Madaxweynaha Xagga Dib-u-heshiisiinta &
Fidinta Siyaasadda**

MADAXWEYNAHA JAMHUURIYADDA SOOMAALIYA

Markuu arkay:- Qodobka 39aad faqradda 2aad, Qodobka 44aad
Faqradda laad Xarafka "E" ee Axdira FKMG

Markuu arkay: Sharciga Lr. ee 5ta Disember 2006

Markuu tixgeliyay: Baahida loo qaab dhismeedka Madaxtooyada ayna
lagama maarmaan tahay in la helo La-taliye Xagga
Dib-u-heshiisiinta & Fidinta Siyaasadda
(Presidential Advisor on Reconciliation & political
Outreach)

Wuxuu soo saaray Xeerkaan

Qodobka 1aad

**Waxaa Marwo Khadiija Cosoble Cali loo magacaabay Jagada ah La-
taliyaha Madaxweynaha Xagga Dib u Heshiisiinta & Fidinta Siyaasadda.**

Qodobka 2aad

**Waxii xuquuq ah iyo Maamuuus waxaa lagu dhaqayaa Xeer-Nidaamiyaha
Shaqaalahaa Rayidka ah ee Dawladda.**

Qodobka 3aad

**Xeerkana wuxuu dhaqan galayaa marka uu saxiixo Madaxweynaha J.S.
Waxaana lagu soo saarayaa Faafinta Rasmiga ah ee Jamhuuriyadda**

MUQDISHO 11/09/2011

Madaxweynaha J. Soomaaliya

Shariif Sheekh Axmed

**FAAFINTA
OFFICIAL
الرسمية**



**RASMIGA AH
BULLETIN
الجريدة**

EE JAMHURIYADDA SOOMAALIYA

Sanadka 1aad Muqdisho October 2011 L. 10

Laanta Maamulka Faafinta Rasmiga ah
ee ka tirsan Xafiiska Garyaqanka Guud ee Dawladda

FAAFIN BIL SOO BAXA

Qiimadu: Waa \$ 2 Doollar lambar waliba – RUKUNKA: Sanaddii waa \$ 20 Doollar Soomaaliya gudaheeda – dibaddeedana waa \$ 50 Doollar. Rukunka la weydiisto waqtiga loo gooyay wuxuu ka biaabmaa | Janaayo. Qiimaha Qoritaanku F.R halkii sadar iyo waxii ka yar waa \$ 0.20 doollar – Rukunka iyo qoriaanku waxaa la waydiistaa Laanta Maamulka Faafinta Rasmiga ah – Lacagta waxaa lagu bixinayaa Xafiiska Canshuuraha ee Wasaaradda Maaliyadda

KOBNIIN

BOGGA KOOWAAD

SHARCI

W. M

BOGGA LABAAD

X E E R

GO'AAN DAWLADDA HOOSE EE MUQDISHO.- Lr.583/2011,
taariikh 03/10/2011- *Dib u celin dhul*

XEER MADAXWEYNAHA J. S.- Lr.241, taariikh 25/10/2011

Xeer Ansixin Go'aan Baarlamaan

Bog. 73

XEER MADAXWEYNAHA J. S.- Lr.243, taariikh 27/10/2011

Dhismo Degmo Cusub

Bog. 75

BOGGA SEDEXAAD

TALOOYIN, ISGAARSIIN, OGEYSIIS IYO WAXII LA MID AH

W. M

**GO'AAN DAWLADDA HOOSE EE MUQDISHO.- Lr.583/2011,
taariikh 03/10/2011
Dib u celin dhul**

**GUDDOONIYAH A GOBOLKA BANAADIR, AHNA DUQA
MAGAALADA MUQDISHO**

- Markuu arkay:** Axdigaa Ku meel gaarka ah.
- Markuu arkay:** Dacwooyinka Dhulka ay maamulka D. Hoose soo gaarsiiyeen Mudanayaasha kala ah:
1. Faadumo Maxamed Cosobla oo dhinac ah
 2. Maxamud Maxamed Jaamac (Gibin)
 3. Xaliima Xasan Abiikar
 4. Abuukar Axmed Ibraahim oo ayaguna dhinac ah, kuwaasoo isku haysta Dhul.
- Markuu arkay:** Sharciga Dhul bixinta ee Lr. 10, soona baxay 17/12/1980.
- Markuu arkay:** Warqadda Lr. yahay DH/MG/M,24/466/90 ee 18/1/1990, kana soo baxday Xafiiskii Duqa Magaalada ee xilligaas kuna saabsanayd in dhul horay looga qaaday dan guud awgeed Mudane Maxamuud Maxamed Jaamac (Gibin) & 2 qof oo kale dib loogu celiyo in yar oo u soo haray.
- Markuu arkay:** Warqadda Lr. yahay M-1/4538/89 ee 24/08/1989, kana soo baxday Xafiiskii Garyaqaan kii D.hoose ee Xamar kuna saabsanayd in Maamulka D.Hoose ee Xamar ka reeban tahay in Dhul ay dad ka dumisay ay siiso Dad kale inta ay joogaan Dadkii laga dumiyay, Sida uu qabo sharciga Lr. 10 ee 17/12/1980.
- Markuu arkay:** Warqadda Guddiga Dacwooyinka Dhulka G/Banaadir ee Lr. GHDH/GB/44/1990 ee 18/8/1990 kuna saabsanayd dadka kala ah:

1. Maxamuud Maxamed Jaamac (Gibin)
2. Xaliima Xasan Abiikar
3. Abuukar Axmed Ibraahim, loo celiyo Dhul horay
Dan guud Awgeed, looga qaaday, dhulkaas oo laga
bixiyay Waddada Qaahira ee Degmada Xamar jajab
Sanadku markuu ahaa 1975 in yar oo hartay loo
celiyo.

Markuu tixgeliyay: Talo soo jeedinta Guddigii loo xil saaray Xallinta Arrimaha Dacwadda Dhulkaas.

Markuu ogaaday: In Maamulka D.Hoose ay ka reeban tahay in Dhul horay dad looga dumiyay dan guud awgeed ay siiso dad kale inta ay joogaan dadkii laga dumiyay.

Wuxuu Caddeeyay:

Qodobka 1aad

In Dhulka ku yaal Degmada Xamarjajab oo ay isku haysteen Mudanayaasha kor ku xusan horayna looga dumiyay dadka hoos ku qoran loo celiyo dhulkoodii intii uga soo hartay

- | | |
|--------------------------------------|--------|
| 1. Maxamuud Maxamed Jaamac (Gibin) 9 | X10 |
| 2. Xaliima Xasan Abiikar | 9 X10 |
| 3. Abuukar Axmed Ibraahim | 9 X 10 |

Qodobka 2aad

1. Marwo Faaduma Maxamed Cosoble dokumentigeedu wuxuu ka soo baxay D.Hoose hase yeeshiee waxaa xaq ka leh dadkii horay looga dumiyay dhulkaas.

Qodobka 3aad

Go'aanka hirgelintiisa waxaa u xil saaran Hay'adda Amniga.

Qodobka 4aad

Go'aankani wuxuu dhaqan galayaa Markuu saxiixo Guddoomiyaha G/banaadir ahna duqa Magaalada Muqdisho, iyadoo aan qodobadiisa waxba laga beddelin.

Mudane Maxamuud Axmed Nuur (Tarsan)

Guddoomiyaha Gobolka Banaadir Ahna duqa magaalada Muqdisho

XEER MADAXWEYNAHA J. S.- Lr.241, taariikh 25/10/2011
Xeer Ansixin Go'aan Baarlamaan

MADAXWEYNAHA JAMHUURIYADDA SOOMAALIYA

Markuu arkay:- Qodobka 39aad faqradda 2aad, Qodobka 44aad Faqradda 3aad Xarafka "b" ee Axdiga FKMG

Markuu arkay: Qodobka 36aad, Faqradda 2aad ee Axdiga KMG

Markuu arkay: Sharciga Badda iyo Dekadaha Lr. 37 ee 10/09/1972.

Markuu arkay: Sharciga Lr. 11 ee 09/02/1989 uu Golaha Shacbiga ku oggolaaday Axdiga Badda ee Qaramada Midoobay.

Markuu arkay: Go'aanka Baarlamaanka XGKXB/561/11/ ee 08/10/2011 kuna saabsan Xeerka Badda ee Soomaaliya.

Wuxuu soo saaray Xeerkaan

Qodobka 1aad

Waxuu Madaxweynaha Jamhuuriyadda Soomaaliya ansixiyay Go'aanka Baarlamaanka eek u saabsan Go'aanka Sharciga Badda ee Soomaaliya, kaasoo u qoran sidan:

1. Waxaa lagu dhaqmayaa Sharciga B adda Soomaaliyed ee soo baxay Sanadkii 1988dii inta dalka ka yeelanayo Dawlad Dastuuri ah ee Dadweynaha soo doortay.
2. Hay'adaha ku meel gaarka ah ee Dastuuriga ah sida Madaxtooyada, Baarlamaanka iyo Xukuumadda midkoodna awood uma laha wax ka beddelka, dib u eegidda iyo ka wada xaajoodka Xuduudaha Badda, Dhulka iyo Hawada Soomaaliya.
3. Waxaa la buriyay dhammaan wax alla wixii heshiisyo is afgarad ee heer caalami ah oo xilligan ku meel gaarka ah lala galay dawlado, shirkado, ururro iyo shaqsyaad ee ku aaddan Badda Soomaaliya wixii ka dambeeyay bishii Janaayo 1991kii.
4. Ma jiro Dal shishceye oo ku dhaqaaqi kara hawlo la xiriira Badda Soomaaliya ama ka faa'iidaysiga Khayraadka nool ama aan noolayn ee ku jira Qaypta Dhaqaalaha ee gaarka ah (EEZ).
5. Xadgudub kasta ama gabbood fal kasta ee wax loogu dhimmaayo xuduudaha Jamhuuriyadda Soomaaliya ee dhinacyada Badda, Berriga iyo Hawada Sare waxaa loo aqoonsanayaa in uu yahay Duulaan barer ah oo lagu waxyeelaynayo Madax banaanida, Siyaasadda iyo Midnimada Dalka, sida ku cad go'aanka (Resolution) tirsigiisu yahay 1851 ee ka soo baxay Golaha Ammaanka ee Qaramada Midoobay taariikhdu markay ahayd 16ka December 2008, kaasoo si buuxda u caddaynaya in:
 - Qaranimada Soomaaliya tahay Muqaddas
 - Dhulkeenna aan la kala qaybin Karim
 - Soomaaliya ay tahay Qaran xor ah
 - Midnimada dalka ay tahay muqaddas
6. Xukuumad kasta ee dalka maamultiisa loo idmado waxaa la farayaa in ay go'aanka gaarsiiso Dawladaha deriska nala ah, dawladaha iyo Hay'adaha Caalamiga ah iyo Urur goboleedyada ay Soomaaliya Xubinta ka tahay.
7. Cid kasta oo ku xadgudubta Go'aankan waxay galaysaa dembi Qiyaano Qaran ah, waxaana la horkeeni doonaa Maxkamadda ku shaqada leh.

Qodobka 2aad

Xeerkan wuxuu dhaqan galayaa marka uu saxiixo Madaxweynaha J.S.
Waxaana lagu soo saarayaa Faafinta Rasmiga ah ee Jamhuuriyadda

MUQDISHO 25/10/2011

Madaxweynaha J. Soomaaliya

Shariif Sheekh Axmed

**XEER MADAXWEYNAHA J. S.- Lr.243, taariikh 27/10/2011
Dhismo Degmo Cusub**

MADAXWEYNAHA JAMHUURIYADDA SOOMAALIYA

Markuu arkay:- Qodobka 39aad Xarafka "a" iyo Faqradda 2aad ee isla qodobkaan.

Markuu arkay: Xeerka Lr. 6 ee 12ka Febarraayo 1980.

Markuu arkay: Warqadda Ra'iisul Wasaaraha Lr. XRW/000000.813/10/11 ee 24 October, 2011, kuna saabsan soo jeedin Dhismo degmo Cusub.

Wuxuu soo saaray Xeerkaan

Qodobka 1aad

Waxaa la oggolaaday in Bacaadwayne oo ka tirsan Gobolka Mudug loo aqoonsado Degmo laga billaab maanta oo ay taariikhdu tahay 26 October 2011.

Qodobka 2aad

Xeerkan wuxuu dhaqan galayaa marka uu saxiixo Madaxweynaha J.S.
Waxaana lagu soo saarayaa Faafinta Rasmiga ah ee Jamhuriyadda

MUQDISHO 27/10/2011

Madaxweynaha J. Soomaaliya

Shariif Sheekh Axmed